

Olentzero buru haundia

Olentzero buru haundia
entendimentuz jantzia
bart arratsean edan omen du
hamar arruko zahagia.

Ai urde tripahaundia
Ai urde tripahaundia!

Horra, horra gure Olentzero
pipa hortzetan duela
exerita dago
kapoiak ere baitu
arraultzatxoekin
bihar merendatzeko
botila ardoakin.

Olentzero joan zaigu
mendira lanera
intentzioarekin
ikatz egitera.
Aditu duenean
Jesus jaio dela
lasterka etorri da
berri ematera.

Horra, horra...

Horra, Mari Domingi

Horra, Mari Domingi
begira horri (bi aldiz)
gurekin nahi duela
Belena etorri (bi aldiz)
atera beharko duzu
gonazahar hori (bi aldiz).

Atoz, atoz, zure bila
nenbilen ni (bi aldiz)
Atoz, goazen adora dezagun
Belenen jaio den
haur eder hori. (bi aldiz)

Hator mutil etxera

Hator, ator mutil etxera
gaztaina ximelak jatera
gabon gaua ospatutzeko
aitaren ta amaren ondoan
ikusiko duk
aita barrezka
ama ere, poz atseginez.

Eragiok mutil
aurreko danbolin horri
gaztainak erre artean
gaztainak erre artean
txipli txapla pum
gabon gaua pozik igaro daigun.

Eragiok mutil...

Gaueko izar

Gaueko izar argitsuena
piztutzeakin batera
haurtxo eder bat
etorri zaigu
gaur arratsean etxera.
*Ordu ezkeror
etxeko denak
poztuta zoratzen gera
haurra delako
zerutik honuntz
datorren Jainko berbera. (bi aldiz)*

Alai ta pozik
kanta dezagun
haurtxo honen etorrera
gure iluna alaitutzeko
jaio den argi ederra
*gaurtik aurrera
atzerri hontan
zorionekoak gera
haurra delako
zerutik honuntz
datorren Jainko berbera. (bi aldiz)*